

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 12. sjednici, održanoj dana 19.01.2024. godine, d o n o s i

ODLUKU

o osiguranju sredstava za potrebe isplate naknada za troškove eksproprijacije nekretnina

Član 1. **(Osigurana sredstva)**

Potvrđuje se da su sredstva za isplatu naknada za troškove eksproprijacije nekretnina u ukupnom iznosu 535.000,00 KM (slovima: petstotinatridestpethiljada konvertibilnih maraka) osigurana u Budžetu Zeničkog-dobojskog kantona za 2024. godinu, na razdjelu 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 821100, budžetska pozicija „Nabavka zemljišta, šuma i višegodišnjih zasada“ („Službene novine Zeničko-dobojskog kantona“, broj: 21/23).

Član 2. **(Transakcijski račun)**

(1) Ministarstvo za prostorno uređenje, promet i komunikacije i zaštitu okoline – Kantonalna direkcija za ceste, nema otvoren vlastiti račun, te u skladu sa odredbama Zakona o trezoru Federacije BiH („Službene novine Federacije BiH“ broj: 26/16 i 3/20) poslovanje obavlja u okviru Jedinstvenog računa trezora (JRT), koji je u nadležnosti Ministarstva finansija i koji je jedinstven za sve budžetske korisnike.

(2) Transakcijski račun Zeničko-dobojskog kantona je otvoren kod ASA Banke d.d. Sarajevo, pod brojem 1340100000017386 i isti je solventan i u posljednjih šest mjeseci posluje bez blokade.

Član 3. **(Namjena sredstava)**

(1) Sredstva iz člana 1. ove odluke, su striktno namjenska sredstva i troše se isključivo u skladu sa godišnjim Planom zaštite, održavanja, rekonstrukcije i izgradnje regionalnih cesta Kantonalne direkcije za ceste, na kojeg saglasnost daje Vlada Zeničko-dobojskog kantona.

(2) Predmetna sredstva knjigovodstveno se evidentiraju u Glavnoj knjizi Trezora na kontu 391192 - Razgraničeni prihodi i biti će isplaćena u skladu sa raspoloživim namjenskim prihodima.

Član 4. **(Predmet eksproprijacije)**

Ova odluka se donosi u svrhu dokazivanja osiguranih sredstva za isplatu naknada za troškove eksproprijacije nekretnina za potrebe izgradnje vangradske dionice GGM-a Faza 01, dionica ST 0+000,0 km (kraj kraka kružnog toka Bojin Vir, grad Zenica) do ST 1+250,00 km (poslije skretanja za industrijsku zonu).

Član 5.
(Realizacija odluke)

Za realizaciju ove odluke zadužuje se Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Nezir Pivić

Broj: 02-11-1431/24

Datum, 19.01.2024. godine

Z e n i c a

DOSTAVLJENO:

1x Ministarstvo za prostorno uređenje, promet i komunikacije
i zaštitu okoline,

1x Kantonalna direkcija za ceste,

1x Ministarstvo finansija,

1x „Službene novine Zeničko-dobojskog kantona“,

1x a/a.